



卷首

四川與滇
十二年丁巳

領騎士選軍瓦爾喀曰四川與滇接壤今吳三桂已反
行堅守大部統一員悉領騎士選驍將領星馳赴蜀凡
目滇入川險隘之地俱行堅守大兵不日進剿雲南俟
我既臨境賊勢漸分倘有可乘之機爾卽與提督相機
進討至西安等處朕當刻期遣發禁旅前來駐防

康熙十三年甲寅正月乙亥

上諭寧南靖寇大將軍多羅順承郡王勒爾錦安西將軍
都統赫業曰行軍之道惟得民心爲要今勒爾錦帥師
之湖廣赫業帥師之四川所過地方宜厚加撫恤嚴禁
侵掠誠能無犯秋毫則百姓安矣至官兵暴露良苦亦
宜拊循其進止處所謹設斥堠善自周防勿懈也南方
卑溼念我軍士遠役或不習水土猝有疾病可擇醫藥
調治之其有勞績者知向所司支給賞賚勿致踰時

經畧莫洛曰朝天關諸處關係最要應撥兵防守以爲犄角且糧艘至彼遞相護送似乎有益至漢中雖有滿兵猶恐單弱又朝天關外尙有別路可通漢中倘我兵深入奸宄竊發據守雞頭關諸險亦屬可慮一切機宜經畧當酌量以行念保寧未復我師恐益加勞頓糧餉實係要務當相繼輓運勿使匱乏

戊午

上諭兵部浙江四川宜遣王貝勒貝子公等前往剿賊所以遣王等行者非謂從前在川在浙諸將軍才不及也

以諸王貝勒皆朕懿親臂指可使足壯聲威耳其授和碩康親王傑書爲奉命大將軍同固山貝子傅喇塔率兵往浙江授多羅貝勒董額爲定西大將軍同固山貝子都統溫齊輔國公綽克託率兵赴西川

康熙十三年十二月丙申

上諭定西大將軍貝勒董額等曰覽將軍赫業等奏稱各莫洛於十一月二十八日帥兵啟行莫洛所統係綠旗兵巴蜀山路險惡滿洲人兵若不相繼進發恐賊輕視漢兵首尾互繫難以進此諭到日爾等卽兼程進兵

接濟莫洛所統之兵速定驛化勿得遲緩貽悞大計又大兵糧餉關係甚重其令陝西督撫多發官兵水陸防護以次相繼勿悞軍需運至廣元交將軍席卜臣等轉運軍前毋得怠忽

康熙十九年庚申正月戊戌

上諭議政王大臣等曰進取四川以滿洲大兵爲後應最爲要策宐令將軍吳璠繼將軍王進寶軍之後將軍鄂克濟哈繼將軍趙良棟軍之後陝西已有將軍張勇提督孫思克巡撫杭愛巴錫等鎮守宐令大將軍圖海帥

師前赴漢中接濟進蜀諸軍糧餉鄂克濟哈率漢中滿兵馳往合之吳亶官兵均分統率以爲王進寶趙良棟後繼轉餉源源不絕相隨而進

丁未

上諭議政王大臣等曰將軍趙良棟攻克白水壩青川招撫龍安成都指日可復將軍王進寶亦分兵三路於正月月初旬進逼保寧逆賊王屏藩等困迫必各潰遁其移檄嚴飭楊茂勳徐治都等乘機急取重慶夔州剿禦逆

寇如遲延觀望以此事機嚴治其罪

上諭議政王大臣等曰將軍趙良棟等軍深入四川保寧重慶夔州諸處速宜平定將軍吳宣王進寶等軍雖抵保寧必於蟠龍山相對立營果爾則恐稽時日今宜面蟠龍山分兵堅壘別遣一軍渡昭化江壁錦屏山下滿漢兵合勢以規取重慶夔州若下重慶諸處則保寧賊兵歸路阻絕可計日而克假使賊衆勢迫來降則民免重困而全蜀亦不久大定矣

康熙十九年二月辛酉朔

上諭議政王大臣等曰今成都保寧皆已恢復宜乘此機
會速定雲貴四川旣平湖廣已屬內地其合順承郡王
勒爾錦貝子準達都統范達禮等盡率所部兵泝流而
上規取重慶順承郡王等卽於重慶駐守將軍吳璠鄂
克濟哈與趙良棟等同進取雲貴吳璠鄂克濟哈於順
承郡王軍中簡精銳馬兵將之前行總督楊茂勳提督
王之鼎駐守成都將軍王進寶駐守四川徐治都環軍
守彝陵荊州等處

庚辰

上諭議政王大臣等曰今四川底定大兵豈速赴重慶
取滇黔否則逆賊復犯重慶亦未可料其移文吳宣鄂
克濟哈卽馳赴重慶精簡士馬進取雲貴

康熙十九年九月乙丑

上諭議政王大臣等曰據將軍噶爾漢等奏逆賊譚宏率
衆至巫山譚宏小醜耳我兵但奮力進擊彼自漸滅將
軍噶爾漢提督徐治都等其溯江而上速定疆圉大將
軍貝子章泰等果如前疏訂期亟進克復貴陽賊勢何
至滋蔓今宜令章泰同將軍蔡毓榮等於文到日速進

取貴陽以圖遵義四川諸將若能奮擊雲南貴州出犯之賊則譚宏無所逃匿自當摧陷今宜令專意進剿勿復觀望前此曾命總督哈占馳赴將軍吳璠軍今宜令由保寧江直進破譚宏以會吳璠并行文大將軍圖海酌發軍中滿漢兵爲之聲援以分賊勢至運餉四川不由彝陵江俱由陝西轉運敘州兵餉度可無虞頃令護軍統領佟佳等率增發四川滿兵赴原指之地其漢軍官兵一千人文到日卽由荆門州一月內赴彝陵鎮守著戶部郎中額爾赫圖馳赴彝陵趣將軍噶爾漢等兵

速滅譚宏諸賊額爾赫圖凡事俱準蘇赫臣例以行吏部郎中范承勳亦馳驛追及副都統張長庚軍趣其兼程而往一月內抵夔陵范承勳仍自夔陵趣官兵追及噶爾漢等軍與額爾赫圖同趣官兵擊賊

康熙二十年辛酉正月丙子

上諭兵部今譚宏黨羽俱已就戮萬縣諸地悉經收復將軍噶爾漢其簡選士馬疾赴重慶盡統貝子準達軍速定遵義副都統得爾德等兵亦聽調用萬縣地處狹隘難以飼馬可趨至重慶秣馬而進噶爾漢軍中効力有

年困乏無馬者悉令準達率還荊州至於夔州要地令提督徐治都率標兵暫駐防守總督哈占可率所屬兵馳赴敘州府與大兵協力前驅剿賊

康熙二十五年丙寅二月辛丑

上諭大學士等曰近雲貴督撫及四川廣東巡撫俱疏請征剿土司朕思從來控制苗蠻惟在綏以恩德不宜生事騷擾蓋因土司地方所產金帛異物頗多不肖之人苛求剝削苟不遂所欲輒以爲抗拒及叛諸兵征剿在地方官則殺少報多希冒軍功在土官則勒生疑懼

志寒心此適足啟釁耳朕但以逆賊剿除四方底定
於無事爾等將此諭旨傳示九卿詹事科道令其詳議
具奏

康熙二十五年丙寅二月壬子九卿等議覆四川
松威道王隲條奏四川柑木採運艱難請行停減
應不准行

上曰蜀中屢遭兵燹百姓窮苦已極朕甚憫之豈宜重困
今塞外松木材大可用者甚多若取充殿材卽數百年
可支何必楠木著停止川省採運

康熙二十八年己巳正月丁亥

上賜敕諭達賴喇嘛曰朕統御寰區惟願中外息征戰之勞無敗亡之禍率土共享昇平前聞喀爾喀兩翼內自作亂兄弟人民互相吞并日後必成戰爭之禍特敕諭爾喇嘛同遣使人諭和爾喇嘛亦謂朕鑒恤衆生心如父母誠至善也遣西勒圖來朕特使台吉巴忒馬什尙書阿喇尼等與西勒圖偕往召集七旗喀爾喀會閱誓和意謂從此兄弟相親可永享安樂後土謝圖汗奏言聞厄魯特興兵兩路來伐是以出兵往迎朕軫念厄魯

特喀爾喀兩國相攻必有一傷復遣書於爾喇嘛息其
干戈仍敕諭喀爾喀土謝圖汗以爲厄魯特噶爾丹職
貢恭順往來有年果似此大舉諒必奏聞朕心猶未深
信未必非不良之徒從中離閒爾等慎毋先啟兵端務
體朕不忍生民死亡之至意爾喇嘛亦遣齊緝克他賴
堪布偕朕所遣阿齊圖綽爾濟學士拜里往厄魯特諭
和朕與爾如此行事原不忍視喀爾喀厄魯特至於塗
炭欲其相睦衆生得安之意也乃喀爾喀土謝圖汗澤
卜尊丹巴胡土克圖等自取滅亡違旨興戎首先起兵

殺死扎薩克圖汗又殺噶爾丹之弟多爾濟扎卜噶爾
丹遂起兵破喀爾喀此喀爾喀先舉召鬻之過朕不以
之責噶爾丹也朕之初念本欲率土之民皆獲生成原
無樂他人敗亡以爲己利之意今喀爾喀敗汗及濟農
台吉等率其通國之人決計歸降於朕朕爲天下主來
歸之人不爲收養其誰收養之爰納其降安插於汎界
之外發粟賑濟仍存其汗濟農台吉之號嗣立其車臣
汗之子爲汗朕興滅繼絕之心非特於喀爾喀如是已
也諸國有窮迫來歸者朕之愛養皆與之同不但朕之